



夫觀槿稿者何實應吳子之所著也吳子名敏道
字曰南別號南華古學古行人也余讀若稿歎服
其學寸寸思遠氣所辭藜陽侯謂軼居宋或唐
信矣信矣余教經實應稔聞其行聲稱藉甚迨
通金月刻版以孝名頁介以節著其大校也夫吳
子學行人知之涵源所自人或弗盡知也聞吳子家
世耕讀自乃曾大父宣福公吾能詩文至乃大父某
莊公以年負貢入太學即上疏歸養其母時人以

三唐何著且風流博洽工詩有慕莊冷稿二卷行於
世乃以北村公之善詩雅工晉人書法西原誠有自
卦吳氏三世嘉歲書吳子出穎悟度越臺時輒能日
誦千言甫十有三歲即擢管賦詩如長于行之類
朱射波投之書曰曰藩不肖亦友于天下二十年矣
歷地過都與唐上廣寧六千里風骨近在東家
居子曰國有賤而不知乘者皇也而更學曰上藩知所
謂得矣道定交焉以故安宜同二年稱三秀才云

初北村公見其子有異自來得肆力同學吳子承意
訓學古有獲無月北村公疾革時思若欲若杯到
手不能下吳子痛恨藥必親煮藥又不能下仰天
大哭夜焚香告天剖股肉為湯以進飲乃下已而
公卒吳子甘貧樂道以養母自娛嘗曰吾有支
川田數十畝躬耕其中非歲大饑可以具饘粥牧
雞豚教兒種蔬教時可以俸母膳性素恬淡貞
介不苟生平之步履以門綉紳士夫多少造訪

其門在可借道輒辭謝不受吳子臺避客支川莊
不易接物且人咸謂吳孝子又謂吳節士頃於春初
會陽侯日招於水部之行臺得接吳子半象矩幹
玉立和順英華且雅靜適虛之度及落筆可掬輒
贈予以言余健忘親往後輒錄所用惟本所自
論其世而序汝語嗟夫世之規矩準繩之既安
節以風雲月育之興馳逐藝苑者又類厭寔
拘孝与行難並久矣乃吳子敦論灑翰均美

是之末陳琳徐積殆正傳與他日移孝於忠必至
蘇星系動鬼神修倫厚德若無古人當將首以教
我輩

隆慶庚午季春之吉

賜進士第士林即知鹽城時事關中恒廣師
道立拜禮

觀犗稿卷之一

射陽畸人吳敏道曰南著



賦

感二毛賦

恭承帝之休渥兮肇錫予以懿質余髮木蠹與
奇語兮宿齒惆恍而自失曰茲駒駘汗血兮氣
駿駟而絕儔匹爰架躬而奉塾訓兮宵繼晷而
懷鉛探禹穴之秘函兮搜孔壁之遺編萃百寶
於襟臆兮胸列宿之森然甫垂髦而毀齒兮炳
聲華於蘭臺辟應瑒為文學兮舉博玄為秀才

豈不知潛山霧以澤豹兮里帥握板而端催余
將排闥闔而朝紫皇兮驟玉駟而上之躋台階
以橫跡兮躒文昌之逶迤操北斗之鉅杓兮酌
元氣而調四時九關我其遂密兮神虎伺於縻
闌豺狼往來佻佻兮應龍摩牙而掉舌一夫九
首兮又怒目向余裂余進不得叩丹陛躡赤墀
兮退稅駕於何方羽翼日以摧墮兮瞻中道其
蒼茫迴飈起於宋都兮鴟鼓翻而奚將年鼎鼎
而向暮兮時冉冉而告去謳空谷以偃蹇兮頭
蓬葆而踈豎淒霜忽其襲之兮俯澄泓躍焉憐

怖中憤恨以悶瞖兮羌鬱拂余怔忡紛戈戟之
內攢兮抱冰炭而交爭塊獨處此岑闐兮每聽
風而長鳴陶梭與蒿杖皆飛化兮余何為而匏
繫蟲寔不能震朽荻兮枯鮒豈非水可濟鷺鷥
與雞鶩競粒兮蛟鯨制於螻蟻齊波斯乃爵以
郡君兮秦松栢亦官為大夫惟人負靈壽之丕
丕兮長軾軻而齟齬寸綬不可致兮又何論乎
鵠印與麟符素衣化於緇塵兮黑貂慘其藍襪
既曰岑牟單綬匪吾初服兮雖緼袍華於金組
披翠雲以為衣兮帶虹霓以為紳揭天吳紫鳳

而顛倒之兮纒寶璐之班璘
孫藹芳而可紉苟蠅鷲止搶榆而適兮又何羨
於鵬旻騏驥共駑駘而爭路兮固賢達之所憂
也土梗又晒夫木梗兮何時事之紛紜也俚誣
舜以逆悖兮盜又嗤孔以浮游伊尹辱而夷齊
貪兮其如裝口之啣啾也賜連騎於廣衢兮憲
杖藜於窮扉參納履而踵決兮由累茵而榮輝
田居陋而古置兮赤衣輕而策肥士有遇不遇
兮孰云在進之寢微孰欲頭而寧尾兮孰盧前
而王後孰北富而南貧兮孰西妍而東醜夔一

心而眩乃自兮牛四足其將焉割必欲五雀而
六鷲兮造物者不如是之遷就歟予喙之三天
兮葆吾光使不揚世無伯樂兮即伏櫪其何妨
戚扣角而失之躁兮躡彈鋏而若狂悟籠頭於
弘景兮慕曳尾於蒙莊紫蓼蠹之避葵董兮恒
自甘於苦腸總鍾鼓之肆奏兮鷄鷄聞而迴
破山之劍忌輕指兮擊珊瑚而忍碎指三光以
爲正兮余耿耿者尚在全壺之升盡兮縱刻心
瀝血而無悔籍芳翰以騁懷兮寄天地之一概
士以訴於黃虞兮下以陳於熙代重曰燁燁甘

羅兮英英子奇皇皇終賈兮陸繼之如苞初
破兮盛彼光儀已矣乎予顏汗兮然又懼夫早
發而先衰整余冠之崔嵬兮撫長劍之陸離朝
總駕於商嶺兮夕攬轡於渭涯揖黃綺非熊而
與語兮商出處之所宜願示我以人道兮矢皓
首以爲期

求心賦

余幼韞此都質兮長娟娟而好脩性與黨人相
捐讓兮踰八極而隘九州邈千古以貽畧兮探
五際以幽求挈列宿以駢羅兮窺太乙之所始

窺河流之所出兮推豐隆之所起攬六虛之
華兮汰九流之糝滓敞西清之詞林兮揭東壁
之書府搜百寶於溟瀛兮璀璨羽於廂廡予又
樹叢桂於雷垂兮蔭石蘭於堂下叶何世人之
逐臭兮謂射干其不馨燕石韜以十襲兮卞玉
獻而涕零駭麒麟而斃之兮馭駑蹇之鈴轔敦
洽隴廉寵於專房兮擯陽文而不御純鈞湛盧
無薛鑿兮愴美惡之眩瞽周鼎與土南並炊兮
璠璣與瓊甌爲伍大地四方易位兮彌寰皆迷
罔之人也余寧溘焉而逝兮不忍生此辰也尺



原件短缺

5-6頁

短而寸有所長兮愈度量而愈續處山陸之倥
偬兮落泥塗之迤邐居塊鞠而無媒兮行蓬累
而不前憑壹邑而酷烈兮疇臚情於重玄氣餉
結而仰嘆兮思懣懣而黯眠寃懣恍其若有接
兮皇剡剡而告之維大塊之降誕兮二五揉而
參差均生而稟則錯兮寔造物者之多岐觸山
之力不能抗兮懸河之辨不能移或席門而甕
藩兮或阿閣而曲房或結繒而懸蓑兮或蔽水
而繡裳或五十而無妻兮或二八迭進而成行
或三日而不舉火兮或一日萬錢而憎不足或

佩蒼精之陸離曳華星之皓盱兮掉雲罕與虹
旗抗玉衡以爲駕兮揭招搖以爲麾駟赤鷲而
驟玄螭兮鳳凰翼翼而承旂吉良爲余前驅兮
和鸞鳴而啾啾朝發軔於扶桑兮夕余戾乎崑
丘窮章亥之所步兮躡汗漫之所遊折然技以
爲膳兮擘若木以爲棖餐晨霞兮酌天漿吸六
氣兮踰九陽嗽飛泉之玉液兮嚼凝露之金光
余見紫皇而控纓兮明隱志之煩寃回余馬於
蘅臯兮返余轡於楊園背陰崖以築館兮面陽
巘以啓軒卅莢敷而爲幄兮絳篠樂而成垣石

峒嵒崖峒以拂榮兮沼澗澗潔潔以承隅數椽
曉於朱闕兮五畝綽於江湖非豪情之所參兮
永澹忘之所娛揮素絃而駕絳兮御丹鉛而飾
喜觀儵魚以逍遙兮聆流嚶而徙倚盱浮雲於
太虛兮暢條風於身世矢在山而爲小草兮懇
踰淮而化爲似衣翩翩千仞之上兮履不踏東
華之士門有車馬兮余方軒舞而閉戶二豪侍
側兮如蛛蟬之瑣縷神龍豈劉累之所豢兮鹿
牡牡遊於豐草鷗閒籠而翩飄兮鴻辭羅而孤
矯振長風於霞上兮挺高標於繫表曰往詰吾

以爲侶兮欣載籍之可考廣滅景於崆峒兮參
全形於畏壘田棄軼於箕山兮巢飲犢於潁水
來夢嶺以織畚兮卷柱巖以誰耒點躡屩於鍾
阿兮臺擊定於武安仲灌園於於陵兮綺采薇
於南山榮帶索於野中兮類拾穗於畦間鴻吳
門而冥翔兮連東海而高蹈詡青谿而卜居兮
光采石而垂釣鄭谷口而躬耕兮孫蘓門而長
嘯逸哉邈乎緬兮曠乎載而同心和之以天倪
兮調之以太古尻爲輪而神爲馬兮遊於希夷
壙垠之林亂曰已矣哉黃軒之目遠余將誰欽

今江河日趨於下歎其陸沉兮長夜漫漫何時
晨兮側身東望瓊壘臨兮側身西望猶狂瀟兮
側身南望魑魅森兮側身北望蠅蝻侵兮吁嗟
嗟余不能乞靈於黃父漸耳惟以求余心兮

范光湖賦

上虛公子自東吳而來造於浚野鄙人曰蓋聞
地以人勝美以言傳京湖耀於光祿之宴沔波
著於郎官之題鏡水鏗於賀監之隱洞庭播於
孟客之詞墨卿之所濡灑文匠之所揆摛足以
弘獎風流藻滌幽姿增恢名勝標示來茲若此

地有范光湖漪漪乎洲洲乎亦天下之鉅奇也
而俛首巢蠹比面脊極仰慚書亦俯遜東西豈
惟范光之闕抑亦吾子之恥也吾子必賦之於
是浚野鄙人肝衡而視據案而思甘無轉躬手
不停披曰夫何斯湖之忽決聯坤絡而無垠涵
元氣而凜潛寔造化之至神歎蓋日月吐納星
辰噓喻白波齧齧蒼濤接吳頭之瀆濞括楚尾
之齋淪譎光幻於昕夕瓌色變於冬春其南則
葑塞艾陵石臼姜里赤岸朱家白茆黃子邵伯
陳公淶洋白水莫不布濩連延澶澶偏側股引

群流曾吞衆澤敞若箕張密如轂擊其西則大
蜀小蜀紫蓬紫芝八公四頂龍眠鳴鷄王喬亞
父瑯琊盱眙陰陟磬石浮槎霍龜諸山水發爭
趨而下淵清瀦潏瀦瀦漢勢如建銚疾如奔
馬如礮礮之下擊如銀河之倒瀉轟駭橫流颯
駛直射其北則灤汶沂瀕洛瀝激洧灞滻滻豐
涇洮潔濟泌渭睢涓河淮汴泗並趨尾閭急則
旁溢漲入斯湖湯湯斥斥溢淅砢軻湲漫汙減
或沈六斗或浪三級或竹箭之流或桃花之色
其晴則沖融澈浹溼湜湜溱溱澗澗滢灑滢灑
瀟瀟瀟瀟

滌渙乎玉壺之光瑩澄乎雲鏡之始妍淵乎
紋晰日而微皺滄乎白練出篋而新鮮水晶一
色而無際琉璃萬頃而相連其晦則濃澗澎湃
灑泐泐泐碎勻困圃澗澗滄滄雲霧之所冥濛
風雨之所噴薄蝸象之所出沒蛟龍之所閃爍
草則薜蘿薜蘿蔞蔞荇荇菰菰白蘋紅蓼青蘋綠蕪
綴以芰芡披以菰蘆曼以蘊藻雜以軒于敷以
葳蕤糝以夫須雙頭之蓮九節之蒲菲菲鞞鞞
菀菀蔞蔞蔞蔞蔞蔞蔞蔞魚則鱣鱣鮪鮪鱖鱖鱖鱖
鯢鯢鮪鮪鯢鯢鮪鮪鮪鮪鮪鮪鮪鮪鮪鮪鮪鮪鮪鮪

落帆天際無時無之備比鱗次若乃東南財賦
西北貔貅百萬儲胥轉漕如流分道而來總括
湖陬舳舻其尾船接其頭司以劉晏督以鄧侯
介則建於平江路則通於邗溝末末乎國家之
命脉遠通乎運道之咽喉又若西域南陽之賈
少城大夏之商異物奇貨來於八方萬金之載
百寶之裝亦皆候五兩之動靜凌萬頃之蒼茫
豈能飛渡而不由于斯卿於是產何之倡任公
之徒設茶肆施罾無張罟罟布乎罟置柝檢垂
竿收釣畧迴輪車既乃纒織經緯連日雜糅

芻交星麗羅丸戩環叢木列籬纂編葎
靈撫水族浪泊波浮雨栖霧宿於是才人騰客
貴介豪賢差嘉且擇熙天命舟牧勅水仙蘭棹
女徵鼓負乘西舫開瓊筵吸碧筒採紅蓮奏吳
歎之宵簾闌楚舞之便始倡者一和者千東歌
起而未闕南音繼而復連櫂謳引而容裔水嬉
作而曼延乃有青翰之舟翠羽之蓋出湖北而
逶迤與余舟而相會有一麗人較分綽約婉兮
清揚嫵乎若游龍順風而欲翔燁乎若芙蓉出
水呈新粧垂金翠之步搖披霧縠之袿裳卅層

微啓蘭氣生香歌曰遵狂渚兮泝流光解余珮
兮雙明璫懷佳人兮不能忘清響悠揚曼聲宛
轉如怨如訴如墜如貫玄鶴爲之來集鱣魚爲
之出聽耕父揚光而踟躕江妃側耳而屏營於
是日夕欲下將旋其丹麗人不見餘音尚瀟瀟
娟初月已射潛蚪欲歸未忍倚棹夷猶此亦大
觀之逸勝而極樂之謙遊也王虛公子曰吾子
所述美矣盛矣然竊怪吾子之參於誦燉而諱
於舉愆也夫旅人道士視以爲畏途稱以爲惡
地談之者色變涉之者膽碎走有疑焉願聞其

肯浚野鄙人喟然而噉愀然而悲曰吾忍
吾忍言哉吾想夫夏秋汎濫積雨零霰驚浪連
山巨浸排空湧北狄之凶水振青丘之大風雖
使女媧積蘆灰莫能止其滔錢王操強弩莫能
射其衝爾其東隄隄潰東海接連菑畝蕩析蕃
廬變遷歷陽之都化爲赤水空桑之里變爲洪
川森森晶晶淵淵泖泖惟聞哭聲不見人烟催
租之吏愈急開倉之使寂然若乃天宇開豁旅
思方陶倏興愁雪俄起狂飈靈夔怒薄冰夷虐
駘幽廓萬變掀舞群妖彌霄變黷匝野颼颼地

維崩裂大柱撼搖世無溫嶠然犀而照水恠世
無王閔拔劍而罵胥濤世無周武執旄而麾陽
侯世無澹臺齋壁而斬雙蛟磅礴磳磳洶洶溘
溘頽艦覆艦折擗摧撓曹娥之靈不民屈原之
憤難消日斷湘江之渺渺聲沉易水之蕭蕭魚
龍戕其體鳥鳶啄其骨郢江之屍曾幾人而復
活梧丘之首積百鬼而難招朝爲繁華子暮爲
冥漠君家鄉何在姓氏無聞祭無射聲之酒葬
無廣漢之墳人間何世能不酸心別有百官祿
米乞一糧餼四石

飄逐濛天之所公

上

望悽其慘兮委茲茫沆若有司農之官都水之
使柱石元臣香案近吏爲主分憂爲民興利
謀於父老請於天子發隋帝開渠之兵丁給
吳王穿溝之帑幣循故事於平津續遺勲於康
濟分爲二河築爲三堰甃以甃石護以茭茨五
里一閘十里一淺外勤脩濬內加䟽衍然後居
者無瓠子白壁之患行者無巫峽丹砂之虞人
有忘憂之館地即莫愁之湖余將放舫其上買
田其旁葺蘅杜以爲廬製芰荷以爲裳割鮮鱗

以爲膾掇菰米以爲糧濡彩地於綠水吹玉笛
於滄浪鼓柁而狎漁父枕流而傲侯土使水因
徐孺而增色石以嚴陵而流芳不亦當乎王虛
公子蹶然而喜曰博而辯典而都吾子之文有
功於斯湖於是相與觴於湖亭酒酣公子起謝
駕言返故貯文於囊解纜而去

支川莊賦

帝少皞之司候兮序乃屆乎白藏日月會於龍
猶兮招搖指乎申方迴金天之晃朗兮耀顯皓
之晶光日淒淒而短晷兮露湛湛而凝霜潔雲

澗而上浮兮翳澹泱以荒涼勁颼起而颼颼兮
颼乎其不可當厲浚谷之梟宰兮激頽響之磅
唐隰隼擊而超距兮寒蟬寂而闕聲悲蟋蟀之
觸忤兮孑然入吾軒楹鷓鴣既以悲啼兮鴻鴈
又以哀鳴蕭晨玄夜愀然聞之兮淚欲下而沾
纓鴟又歛夫衆芳兮圃野間以夢清槁葉無風
而殞兮琴檠櫟之孤撐暮岬曜而增峻兮寒潭
繁而空明惜余懷之曠恨兮感多顏之在目悲
與恨之相接兮嬰適軸於阿陸余將俶遠遊之
裝兮曰雄飛豈能雌伏愧無翻之翺霄兮僅毳

毛生於背腹慕鷓鴣之騰凌兮足既踔焉復不
予以縮余恐隴西之遊兮愈躁而愈沉聞長安
而西笑兮迷不知其所臨道太行而北駕兮徒
煩良馬之駸駸覽微物非靈種兮亦歛戢而知
時燕涉秋而辭歸兮蟄虫坏戶而藏之歲晏而
孰華兮兮氣凜凜而薄余肌蕭瑟乎次寥兮何
乃勞勞而載馳歡言眷吾支川之莊兮可相羊
以栖遊美斯莊之窈窕兮邈如隔乎蓬藋滌洲
渚之迤邐兮勝與封其聯絡曠堦畫而基布兮爰
非交而綺錯溝蜿蜒而環匝兮溪繚繞而回薄

引衆湖而注之兮下復接乎深壑阡術行而中
斷兮乃跨之以橋約豐膺膺之原田兮曖任任
之墟落川之上結余廬兮覆以茅蘄之扶踈編
枳槿以爲籬兮樹檉柳與桑榆余又藝蔬之百
畦兮蒔菊之一區農人告余以築場兮欣欣陶
乎穰秋颯稷稻之莫莫兮饜黍稷之油油步腴
腴之垆野兮嘉奕奕之宿疇收曲行以旁掇兮
托一穗琮於璘球命佃婦腰鎌而出刈兮天未
旦集於啣丘朝濡體於汗邪兮夕曲身於甌窶
豈憚坻場之染履兮水殺腰而無愁夜既半春

未輟兮晝劬而宵不休
麥隴又催耕兮孰泐靡
而驅牛孰云農家之苦
辛兮所貴藝而有收
余既督農而告成兮
省車篋之盈積藉夫
須以開筵兮而臯壤
之斥斥借踈客以畢
食兮與野老而爭席
香飯炊乎玉粒兮白
酒傾乎雲液醉拊缶
而短歌兮不知日之
既夕牛羊下於括揭
兮鴉接翅歸乎枝格
東隣又相邀兮頽然
信其興之所適村人
擊細腰之鼓兮牧豎
吹無腔之笛聲繹繹
其導余兮破曉巷之
岑寂村中兮何有
看兮盈俎欄有鴨而
欄有鷄兮魚潏潏彌
於

巖危晨鳧霜鷄糝於
釜兮老以白露之華
搖於川陸之間兮於
城市而無取何秋風
之騷兮荆柴宛其深
閉何寒氣之僚慄兮
余方器器而傲睨納
芻藁於公家兮輸黍
稷之餘稅靡餘營以
攬情兮游於無懷大
庭之世酌春酒以介
壽兮息索饗而報歲
村叟相見無雜言兮
指田圃以爲生計耕
稼順天時兮衣裳存
乎古製余與數朝夕
兮淫淫乎齋齋村中
之日舒以長兮水浮
生之秋帶系曰支川
之水縈而紆支川之
田敷而腴有田可耕
水可釣茅屋烟村發

長嘯商風飄蕭素秋節天收其聲地藏熱觀雷
觀火知微彰藏身還向支州莊巢許千載高其
名人生豈必皆公卿毳褐爲衣餃麤糲優哉游
哉以卒歲

荷花賦

夫水芳之嘉品厥有荷花焉絳房璀璨細雨新
鮮承以綠葦之虛直護以翠蓋之高圓香逾遠
而益清色既靚而且妍餐露寒於沆瀣濯漉秀
於淪漣霓裳飄而離襪霞袂舉而翩躚或亭亭
而靜立或脉脉而私憐或含嬌而不勝或有恨

而難傳或半酣而未頹或一笑而嗚然或相向
而慰藉或遞舞而便始水晶宮兮紫貝闕鯉魚
風兮蔚藍天此何地兮塵之外此何時兮秋之
前渺渺洛浦兮羅襪凌波而微步遙遙太液兮
瓊裾順風而欲仙夫其旦也晨光乍吐旭采俄
煇花心盡展花態爭輝魏宮之晚粧甫竟蜀江
之麗錦方睎夫其夕也蒼涼漸動晃曜稍微花
力未倦花思重飛華清之沐浴已出陽臺之行
雨初歸遂使官梅無情仙桃失色禁藥低垂省
薇掩抑正蕊不敢以爭長牡丹亦爲之逐北若

乃漆海之隩瀟湘之浦吳姬越娥鄭娃衛女分
曹結伴三三五五棠舟桂擢蓀橈蘭櫓吹洞簫
擊鼙鼓徵卅華之艷詞翻沫水之新譜狎駸驥
於南汀馴鷓鷯於北渚覆繡被以夷猶解明珠
而容與亦有灞漣之曲河陽之源豪家甲第成
卑名園五侯七貴公子王孫珠履盈座紅袖倚
軒折芳筒而作筆張翠幄以浮樽微馳峰於銷
釜貯仄李於冰盆波港洪兮琉璃色酒淋淋兮
胭脂痕風來水榭消炎潯雨過池亭散鬱煩別
有昆明御陂上林秘地琳池與滄池而接

室共桂臺而虧蔽石鯨鼓鬣而時鳴織女支機
而日侍採蓮舟兮逍遙採蓮女兮儂媚列鳳蓋
之葳蕤建翠旗之旖旎倡以權歌和以鼓吹至
尊含笑嬌嬪側視千苞被寵而加妍萬萼承恩
而增麗莖四葉而標奇花雙頭而表異侍從之
臣儒彥之士並簪筆而紀遊各持牋而應制何
斯花之弗淑乃剷迹於茲湄交以菰蒲之曼衍
凌以萑荻之紛披韶鏡心之容采障扇面之光
儀外綽約而誰賞中醇馥以自知爾其憔悴赤
臍銷鑠朱明碧雲暮合兮有餘怨圓景光滿兮

無限情對七襄之宛轉隔一水之盈盈暮烟緜
 今冉冉翠霧縠今冥冥泓蕭寥今紺碧泚寂歷
 今深清川后波臣臨渙而嘆惋淵人泉客俯淑
 而忡怍有若江潭放臣身遠形闕積毀銷骨迸
 淚沾衣遐陬信杳僻域人稀望金鷄而不下抱
 玉玦以長遠又若長門廢后君恩睽絕錦衣不
 復熏寶帶那重結買賦無金題詩有葉開別院
 之笙歌忽柔腸之盡拆亦有蓬萊謫仙墮落泥
 塗引絳廣陵賣藥成都人世踟躕顏色焦枯望
 鸞驟與鶴馭毋延佇而愁予若夫山林墮一

不不佳

細

無事

管絃奏聊濡筆以宣襟典藻思於文圃繁靜躁
 之異處遂沿躍之殊倫物理參其難一大化運
 而靡均苟予質之姱美亦何羨乎要津衆約際
 而巧合獨在許以藏真平採擷之莫及亦豈啗
 之罕親摘台文於烟夕將以贈夫幽人

靈雨賦

靡勾芒之御辰兮二儀戾而弗調曦陽暴其暉
 磨兮狂飈軒而虓驕淋漓澗而揚埃兮莊鮒暴
 於泝濠龜文錯焉眇滕兮桑柘悴而如燹鳩噉

嗚向人催兮農停犁而浩嘆書時旭暎之杲杲
兮宵跡星纏之昭燦驅犢特而靡前兮乃復策
吾欬以漢陰之甕填委兮梁又奚能楚灌羗齊
魯燕趙之墟兮土駢聯其並曠百零紛而莫効
兮丞徒戚而羸瘠惟神君之碩慈兮乃引辜而
自界心蹇蹇而於邑兮志併併而佗條情怵憚
而不開兮氣繚轉而若締曰余夙慕夫好脩兮
謂祥休其可覩苟余躬之不媵兮何斯黎之侈
墜痼憊憊其在余兮籲蒼昊而告之指八靈以
明衷兮即六神而陳詞陳靈罔而謁扣兮禮太

一而徵長離日匍匐於西墳兮熒然躑躅衢途
卻皂蓋而不張兮躑躅苦矯之逶迤編楊葉以爲
裳兮帶卉索之垂垂睇赤霄而肘紫虛兮不憚
焚乎身犧霖澍其尚有瘳兮約三日以爲期
天道疇謂遼杳兮誠涓涓而可格屏翳惜而前
導兮玄冥悚而脩職飛廉儵其鑿揚兮豐隆奮
乎礧礧列缺閃爍而熒燁兮雨師揮霍而湯激
始霽震文一霽霽兮霽黔黷而不釋溢晦澹以霧
霏兮陂渠歛其浮漈天吳海若掀然舞兮河伯
覽而太息抽庫婁以酌斟兮建雄虹之采幟驟

八龍之婉婉兮揭雲旗之翼翼命靈媧鼓琴兮
 俾湘靈鼓瑟旅進更倡兮宣神君之懿德考昔
 賢於載藉兮誕謫而貪天工泛蜥蜴於甕盎兮
 虎首冥於潭瀧焚巫而傷於暴兮誅螟而又失
 之蒙紫雲奮於洛陽兮乃祝令之遐風也黍稷
 歌於元城兮亦東哲之宏功也異代而若同時
 兮軼惠化於顛穹美品皇之圃生兮廊兆心之
 攸同鎡鑄父於壠野兮竹鼓洽乎二農遊周田
 之膺膺兮如良苗之芄芄綠欣欣以彌囑兮
 獲攘而欲興人環而
 夫夫

誰其採之兮達天門之九重

觀棹稿卷之二

射陽畸人具敏道曰南著

樂府

聞雞篇

雞坊七歲兒乃為五百長手持珊瑚使群鷄隨
 俯仰群雞一何悍礪吻登廣場塗車既超躩茶
 羽亦飛揚雄心不可當驕氣已不除雖無狸膏
 塗迫作羊溝林絲幘垂青綉桓桓武夫度勝負
 一以分長鳴有餘怒天子千秋節兒也何大醜
 雕翠金華冠錦袴繡羅襦賜金多如山車蓋何

赫奕衢路滿老塵觀者皆嘆息丈夫當才奇弱
衣老蓬華方知雕龍文不及秦雞術

戰城南

秦皇築長城胡人不取過奈何在年開戎馬無
時息朝戰長城南暮戰長城北流血染交河積
骸填榆谷殘兵扶痛歸新鬼各冤哭歸來未解
鞍四面羽書傳鼙鼓勅漁陽烽火照甘泉旄星
射漢闕黃雲蔽胡天天子赫然怒登壇授關帥
先刑白馬盟後指黃河公烈烈霍嫖姚桓桓雷
車騎赴赴八司馬矯矯七枝尉三河募少年五

丁徵力士七姓閭中人六郡良家子選士盡驍
銳一貌與熊犀業七重甲柘枝五石弓寶刀
耀高且鐵馬嘶長風辭帝承明殿出軍函谷關
揚鞭指廣武奪旗登紇丁迎擊井陘口轉戰臨
洮聞車箱陣不絕矛戟鋒相攢下馬擒莎車上
馬斬樓蘭左手刺日逐右手殪呼韓還我燕支
山使我婦女歡還我祁連山使我六畜蕃提兵
三十萬出塞五千里封尸築京觀積石齊熊耳
前旌奏鏃歌後乘喧鼓吹飲馬紫乾源洗兵伊
吾水山題破虜年鎮紆平胡事袍花紫錦麟凱

旋見天子策勳明堂中錫宴封宮裏臣亦何所
願臣亦何所求不受萬金賞不封萬戶侯不願
耳貂蟬不願乘驂騑不繫肘後印不挂腰間鈎
惟願聖明代末息邊塵驚青海無傳箭黃河不
度兵衍衍故將軍耳絕刀斗聲苦花駸摧矢細
柳開屯營寧隱青門田寧老灞陵亭千秋閉玉
關萬載奠金城城南與城北驅牛事春耕

子夜四時歌

即向湖南去昨日才歸來東風

儂意吹動羅

幃開

樓前
留得

夜雨花漸無顏色况妾如花顏誰能久

右春歌

院小無風氣與雨臨曲池竟夕不歸房何殊別
離時

郎心正井冰妾心正華李沉李寒冰中方知此
味美

右夏歌

井中細布濶裁為合歡破郎醉不能禁倒臥堦
前地

爲郎縫寒衣劉掣染黃絲柳絲手中絲縮住鳳
凰兒

右秋歌

儂有白頭吟曲知調自高雪花綴瓊樹好看不
空牢

霜寒往覓郎恐有雪中跡及至雪消時又愁羅
襪濕

右冬歌

鳥生八九子篇

秦氏鳥共曹鳥二鳥相遇集于喆秦氏鳥多憂

虞我有喞喞八九雛栖若桂樹亦何辜游遨蕩
子來相屠兵曹鳥多怡愉我有嫋嫋五色雛叢
蒿之上聽之喞日中及哺夜相呼二鳥言畢各
飛去聞者哽咽不能語人生賦命亦參差憂樂
窮通總天數蒲耳桓山離別聲幾人得似嚴家
媪

襄陽樂

送歡峴山西待歡漢水北出門浣羅衣驚起雙
鷄鷓

翩翩五花馬蹀躞千里足騎過襄陽城聞歌大

堤曲

陽春二三月百花爭歲華採花多汝酒醉殺襄陽兒

從軍行

矯捷并州兒少小有膽力十五學彎弓百發無虛鏑十六學舞劍遂成萬人敵一聞遣檄馳怒氣填胸臆千金買駿馬百寶飾鞍韉五花繡紋襦被服何光鮮天明騎馬出門去日暮已至黃河邊始從李輕車逐虜到飛狐後從班定遠提師下隴阪橫行萬里餘如入無人墟射殺左賢

王生擒北單于胡兒聞之嚙指怕繫纓衝磔張門下南海已進吐谷駝西戎人獻大宛馬炮馳炙馬肉如坻酪酥味濃香滿脰縱金伐鼓蘆管吹相與扣子歌梁伊細柳營中開宴夜黃花積上受降時丈夫功業如雷電大小身經七十戰三箭天山未足誇一丸函谷真堪羨胡塵不刊碧油幢漢月長懸白羽扇昨日詔書下罷兵許歸朝歸路無所爲戲射雲中鵬天子命羽林左鞭右韃寧探我燉煌道迎我咸陽橋脫我舊戰衣着我新錦袍前排虎牙杖後擁龍尾標田頭

說向同行信從軍殊樂不為苦

日出東南隅行

日出東南隅照我紅粉樓樓高十層儂居樓
上頭飛梁象女虹懸棟若雲浮黃金錯闌干簾
捲珊瑚鈎惟倚王女牕可掬銀河流一解樓上
盤龍鏡照我美且都粧成還自愛私歡古來無
孔雀杏紅衫金縷繡羅襦腕上玉跳脫耳中大
秦珠瑤碧綴釐帶霧綃飄輕裾富貴有如此安
安樓上居何不樓上居採桑行路衢二解儂家
人易知易知亦難忘兄弟兩三人皆登白玉堂

夫婿不凡鄙峩峩侍中郎儂解工鼓瑟不是那
卯姑燦燦金鳳皇豈作野鴛鴦樓高風色大翡翠
翠不能翔一解桑間春鳥鳴桑下車輪轉桑條
不自持沃葉已紛亂蠶頭蠶飽採桑須管滿
寧忍蚕飢死不結採桑伴儂自不採桑誰人得
濃見樓前竹森森可作青鏤管持馬秋霜心詞
長歌不緩四解

豔曲五首

羅綺光門裏烟花大道旁
瑠璃弓亦羽箭白馬紫
絲韉知是并州子揚鞭入建章

娥娥大堤女灼灼邯鄲侶花間弄錦瑟月下舞
霓裳風動紫羅帶雙飛金鳳凰
秦川貴公子六安羨少年瓶插珊瑚樹掌開玳
瑁筵鴛鴦七十二羅列玉池邊

明月梨花院東風桃李場佳人出燕趙妙曲奏
伊涼共惜春宵短那知春晝長

千金馳馬埒七寶開鷄坊綠幘買珠單銀瓶索
酒郎東城復南陌踏遍落花香

萃山畿

傷哉悲萃山畿父母夫曾寄語爾何用憶儂

赤繩未繫徒然淚下如綆縻傷哉悲萃山畿紅
羅蔽膝置君席下亦有枕席私口中咽手中持
便如儂舉案時君既為儂死儂何以活為傷哉
悲萃山畿車載綵儂相鞭牛牛不移棺忽開儂
隨之儂有九華翠羽帳雙紋金鳳帟八珠連理
環七綵合歡衣何不納之棺中光離離與君泉
臺下得結伉儷期生為長相思死為長相依傷
哉悲萃山畿下有拔心草上有斷腸枝青陵臺
上鴛鴦來栖黃陵廟裏鷓鴣來啼風蕭蕭雨淒
淒傷哉悲萃山畿

仙人篇

仙人在何所乃在八極之外海中洲東有丹霞
 赤城蓬萊山西有閩風玄圃崑崙丘以黃金為
 堂白玉為樓龍虎守門樞白榆蔭道周玉繩高
 繫綠琪樹日月往來拋兩毬舉手摘列星纍纍
 如珠旒下視人世齷齪湫湫一解仙人日遊遨
 十十五五相招各各携所有歸終玉李安期大
 棗玉必冰桃南岳瓊酥之綠酒麻姑麟脯之瑤
 香各各奏所能子晋吹笙玉喬鳴鼓羸女弄簫
 西女舞落霞之琴上元彈雲林之璈休哉乎仙

人極樂以逍遙

解仙人向我言人生非金石

安能久在世海水三清淺何況紅塵滾滾之朝

市薺率晨榮而夕落蜉蝣朝生而夕死嗟尔人

生亦如是飲甘飲肥皆腥臊排姬列媼皆臭穢

胡為乎秦關燕壁無休勢三解我聞仙人有靈

藥渥丹之色鬱金香服之可以生羽冀翩翩雲

中翻容顏美好壽命延長後大而洲三光日擣

月煉知有幾玉箱胡不普濟天下福祚昌天子

萬年坐明堂群仙濟濟會文昌上陪三十六紫

皇四海人民俱悅康四解

俠客行

扶風有豪士杜陵多俠客走馬章臺街看花洛陽陌朝過七貴家暮入五侯宅不避執命吾豈怕二千石

估客樂

朝發半津泊暮宿梅根渚借問艚上郎樊鄧在何許

路轉銅駝陌估客情相親見郎蒲鍛環識是揚州人

長相思

白狼河北鴈

平水人二主魚魚其遲遲春

楊柳陌遙遙清夜芙蓉池高堂美人發皓齒高樓美人揚曲眉此時妾獨坐房守那个令人長相思

竹枝詞三首

妾家紅樓江水邊樓前日到了江船問人問得郎消息郎到家時月正圓

妾家住在錦江旁錦江流水入瞿塘吾儂只愛

錦江好瞿塘風波愁殺郎

妾歸郎家才兩秋郎辭妾去一年周峨眉月照

珊瑚枕不聽猿聲也淚流

行路難

噫吁噫行路難我欲歌此曲此曲摧人肝君不見漢家丞相何尊榮黃金鵝印腰間橫天子非常賜恩寵百官禮絕誰敢爭劍履朝登金殿上皂輪幕踏沙堤平甲第田園遍天下萬方貢獻先私闕翻手作雲覆手雨熏天意氣朝野傾別有豪華競相倚門前軒車若流水朝罷還看笏滿床宴回爭羨珂鳴里四世五公何足云一門萬石那堪擬昨日延賢關東閣今朝鬻爵開西

邸親戚交游盡列卿門生故吏皆金紫金多已與北斗齊壽高又見南山擬萬歲心期奉聖明豈知一旦風波生虞翻竄斥海徼去屈原放逐江潭行失意寧免醉尉誚死灰甘受獄吏凌竇相坐中賓客散程公門前烏雀鳴誰言冰山可久峙誰言朝露得長盈桃樹不復開玄都桑田倏忽變蓬瀛噫吁噫行路之難有如此我欲竟此曲不覺涕沈瀾車行難羊腸九折太行山騎行難棧道連雲百八盤舟行難瞿塘三峽響奔湍月圓我車旋我騎返我舟坐我寬閒寂寞之

林巒噫吁噓行路難

日出篇

日出暘谷何團團照我枕簟雙琅玕初疑紫金
碧霞丹又道瑪瑙赤瑛盤此物出來關造化瞬
息東升又西下斜陽漫有金戈揮青天安得長
繩挂浮生寓世多苦辛仰面青天不顧人眼見
朱顏艷桃李俄看皓髮守松筠夸父暍死鄧林
道紅塵貴客紛紛効桃都樹上天鷄呼多少邯
鄲夢驚覺君不見纔到今日昨日陳昨日晴明
昨日陰昨日何處今朝有酒但須斟

去婦詞

嫁君君不惜去君適何宅除上望夫山化作山
頭石

驅車復驅車

驅車復驅車仔細袞斜谷臨行灑付君再囑隨
行僕

湘妃怨

斑竹淚雙流蒼梧雲四起遙望瀟湘波不似瀉
汨水

長干行 十六歲作

長干女兒十五六紅顏如花手如玉綠窓刺出
鴛鴦錦翠管調成鳳凰曲東隣嫁得攻書士滿
架圖書拋不理鬪鷄交結五陵兒走馬往還并
州子娼家開遍野菖蒲妾身甘守冷秋菰芙蓉
帳裡珊瑚隻齒蕭燈前瑋瑁孤當昔金屋藏歡
愛此日銀河生變態睡鳥空燒蘓合香翔鸞枉
綴同心帶迴文錦字光凌亂白頭耳畔吟千遍
詎忍傳書橘樹宮未可偷身桂花殿北十何曾
把酒漿牽牛從來不服箱郎君賤妾總虛名羞
折宜男插鬢旁妾心如木入迴谿萬轉投東不

向西願郎攻書取金紫吾儂寧作太常妻

折柳篇十六歲作

春雨膏濃碧玉池春風吹散綠楊絲新恨移日
靈和殿香葉何殊彭澤縣百尺從教父老看十
圍莫遣郎君見誰家門外画船移何處樓中玉
笛吹幾番驚動洛陽人幾番笑殺襄陽兒清曉
猶爲合歡樹黃昏已作斷長枝千條不縮流年
去萬縷空勞織成霧繡戶深闌彩鳳栖朱簾半
捲黃鸝度分付楮先生毛刺史莫言天寶十三
年莫話隋堤一千里從今帶下繫吳鉤酒酣擊

卷之九
案唾王侯還乘俠客青絲騎直到娼家紅粉樓

楚妃嘆

楚妃進九女進能使君上子孫振楚妃進賢臣
進能使君王功業峻濟濟冠裳不如笄褙赫赫
巖廊不如閨闈鬚眉婦人誠有之君不見楚王
妃

七夕閨思

洞房妻以閨况此秋氣涼蕭夜不能寐展轉結
甲腸憶初嫁君時披服何輝光額帖翠花鈿耳
平明月璫同心雙鳳髻玉燕盤釵梁輕裾順風

灑淚腸於邑父老邁道兒童呼侯欲叱車行豈
得攀轅卧轍古來傳此意誰達明光前心不計
今媒空勞俯仰人世空茫然君不見古木風霜
飢經歷明堂棟梁寧棄捐又不見霜蹄一蹶暫
時事蹉躓終行萬里天待君來時把君手高談
古今不停口贈君以江淹送別之詩酌君以阮
籍澆愁之酒君今此去之何方蓬萊宮闕北斗
旁天子宵旰圖治理夔龍會集儼成行如君載
德知幾人關西聲價孰可當我亦將登郭隗臺
與君爛醉黃金觴

花下醉歌

誰謂花有神把酒問花花不言誰謂花無神把
酒酌花開更繁酒如琥珀花如綺醉後玉山扶
不起去年看花諸君子今歲相看善與爾人生
豈得長少年花前之人吾老矣

群山歌贈朱醫士

神山在何所乃在青城之東滄海涯上有栖鶴
五色之琪樹下有飛龍九節之靈芝採而食之
可不死王喬羨門相與期朱君朱君神仙流何
處人爲其儔藥壺已似費長房藥市還傳韓

伯休門前
生兪李顏

買藥人擾擾無時閑能令沉疴子俱
西洲何人不扣關望君如望東山

觀禮稿卷之三

射陽畸人吳敏道曰南茗

五言古詩

呈蒙泉公二首

李牧居鴈門虜人徙羶屋魏尚守雲中胡馬敢
 南牧使君縮兵符英風振海曲氛消黠踰遁波
 靜鯨鯢肅當年百戰場芄芄稻苗綠猶聞山父
 言雨後拾金鏃

弱齡負奇氣謬希六藝翼十三足文史十五賦
 萬言十七應辟舉六上皆邈屯十載卧浚谷欲

語聲還吞一朝遇知已言笑生春溫
繆繆古人誼綢繆國士恩所恨羽翼短
莫展雲霄騫願啣雙玉環臺端日飛翻

書懷呈李令公

中夜攬衣歎忱懷鬱成悲身微運復躓何以報
公知公本元禮後聲華一何熠擗管翔詞林持
刀試小邑雖有流水琴不鄙尾正音雖抱連城
璧不棄梧臺石公實秉宏誼道也愧顛蒙徒効
輿人頌莫希國士風德口結為佩芳猷帶為服
念哉不能忘終躬以自勸

秋日文川莊作

升月未盈輪流光已滿場愛此廣場步離離新
穀香野碓集群媪春聲夜何長驚起汀洲鳥曳
曳西南翔鳳皇飽竹實鴻鴈謀稻梁萬物各有
後願生固其常所以沮與溺躬耕楚水陽

病起書懷

南明燠朱火溽暑侵衣裯調燮一不謹五内生
戈矛不食類澤豹喘急同異牛肌膚起寒粟短
狐射其頭因之撤琴瑟撫枕慨以愀真成清漳
卧遂恐岱宗遊今晨幸蘇息起坐稍優游園葩

展色笑庭草皆悲憂惋彼世
人何異水中漚
旦暮已難保千春誰預謀
蒙者苦自營達人心
恒伏此身苟無瘵即是松喬
儔衛生誠有經所
寶匪瑣球已矣從吾欲最
戢惟前脩

秋懷三首

蓼虫不知辛醯鷄不解酸
由來環堵上自謂巖
穴安此心苟無慕五畝已
云寬我前約岑惠我
後纒孫蘭無風誰謂芳
旅暮空凋殘

野外鷓鴣號林

野

鷓鴣號林

野鷓鴣號林

其英細懷

其英細懷

其英細懷

山雙眼明伊人去我久千載若平生

二儀無恒處有生多憂虞唯彼燕飾子萃纓豔

交衢揚雲方閉閣甘守太玄愚陽林委丹葩陰

岡挺喬株豈不多苦心慎保全石軀

月夜湖上醉歌

弱齡負奇氣飄飄凌紫清蹉跎三十載白髮繞
頭牛塵世何跼跼未能跬步行愛此物外境怡
我泔滂情風吹彩烟滅片月中天明秋水澄
底珊瑚滂光晶解衣坐盤薄白石如几平手撚
黃金蓋笑酌綠酒罌浩歌發鮮籟萬木俱有聲

稽颡沙上鶴憂憂
雲中征我欲從之
去言訪東
蓬瀛蓬瀛之仙人
三五吹鳳笙
豈無翠羽飾引
余步瑤京

田居一首

杖策憇村墅
揚舲泛清瀾
輝輝日華動
晶晶大
宇寬
春言丘中賞
披此物外觀
蘋風發
鮮爽
素
氣生微寒
荷杯芳樹下
矯首青雲端
夙懷濟代
志何爲林與
壑着我遠遊
屐載我切雲
冠將辭
鷗鷺侶一接
天邊鷺

簡南征諸同志

風牟岫雲出
秋高黃鶴翔
滄溟盪巨網
百寶入
恢張羨我平生
友濟濟會文昌
戒石氣宏邁
彦
龍才汪洋季
備抱冲思歷歷
皆琳琅
寔入廿一
枝丈夫志四方
燦燦芙蓉劍
豈終岩穴藏
鷹隼
擊高旻
鳳凰鳴朝陽
乘時望公等
天路早騰驤

送張子毅還山陽

童髻締蘭契
胡爲中道離
昔爲長相見
今爲長
相思君有山嶽心
眷我無轉移
我心雲中月
逐
君君未知是
節屆中區
綠塵華滋攀
條欲有
贈及此徘徊時

郊行感懷一首

康樂雲陽詠武侯梁甫吟
逝哉時代邈展讀猶酸
心况復登羶首言念泉臺深
古木已堪斧新松蔚成林
松間跑狐兔松上號幽禽
悽悽延陵劍惋惋雍門琴
所以晉賢達沉冥脩竹陰
洞識齊彭殤玄思薄華簪
斯人不可招白日垂西岑
鳩鳴高樹端牛羊驚郊原
我行感鳩哀懷古思彌敦
人命何其促義輪歛如奔
壘壘北邙山鬱鬱東都門
潛闕閟玄宇無復睹朝暾
白骨已難覓繁華更誰存
臨風墮長淚徒係摧心鬼

寒翠軒贈詹仲子陳季子

泚泚芳池水脩脩竹林偶
逢白嶽客慙我滄洲心
臨觴未及飲蓄意良已深
所憚燦如綺烈氣凌孤岑
即事非外獎要皆中所
飲虛然納斜月高樹起
栖禽當飲不能寐踟蹰以長吟

徐令公應 召內赴奉臨 五首

熒熒廊廟珍煒煒金闈
彥流聲以繁宇獨藻常
霄漢一別蓬萊宮兩宰
桃花縣以若清風敷光
如卿雲爛詩人歌樂只
群生悅以萬世惟千字
情九重結 皇眷大書來
頰仍星言行不緩朝

秋風和
疾白馬泥林柏黃河所經
廢城榛杞光凌
亂魏化爲陂浚谷變爲岸
懷濟代心憑軾
興懷嘆怒焉疾長以行矣加餐飯
沉沉芙蓉劍余客識其精和
上隱可璞觀者誰
爲明道也實驚駘負轅多苦情
一蒙孫陽顧懼
慨臨風嗚丈夫遇知己不
惜肝膽傾睽一何
遽執手以屏營仰看星漢
俯視川塗橫豈無
盈觴酒別已繁是時
夏月疏麻未收榮
惟有清商可以宣衷誠
爲宸風翼從之四
北征

青驪白玉珂駕言之何方言奉
明廷召騰庸
趨文昌崇京鬱岩巖馳道夷且長
申天起園闕
雙碣遙相望濟濟青雲士矯矯群龍翔
朱輪夾
廣路纓綏爛生光
夫子秉宏達曳珮升朝行
高議雲臺上獻納黼座旁
乘時樹勲業載之在司
常不見臯與夔千載流芬芳

鳶蘿附松栢纏綿一何長
嗤彼秋蓬葉飄哉順
風拂結髮事君子傾心葵藿陽
華蒙藻幄寵得
拂黃金林披服綺與黻
薰以五木香飲結不
解佩之左右瑣何意回衾稠乃之天一方
棄我

忽若遺惠我無其終
時昔爲和鳴鴈今爲孤鴛
鴛白日不迴照蘭膏黯無光
客易衰歇信義
明秋霜分乖勿復道但使心無恙

靡靡射水陽惻惻飢人嘆拊循良獨難
回回昧昏且君侯解褐來明冒如素宦
誰云文墨紛紜帙日娛玩虛堂靜詞息
沃野桑麻徧顧念繩樞子婉變垂英盼
把我青霞裾超然破風岸綢繆結華茵
繾繾陳芳讌雖無絲與竹蘭語一何燦
篇成共欣賞觴至飲無筭此樂不可常
此別何時見踟躕復踟躕目斷雲中翰

七古古詩

李溫州寄至遊覽諸什賦此寄答

青鳥瑤緘下紫烟長鳴置我綺窓前
開緘喜見雲錦字乃是溫州寄書至
一書上言長相思一書細寫登臨詩
讀君書中詩對我牕前花聲聲鏘綠
水字字凌丹霞恍然坐我群山頂笑
吸飛泉餐石華古來才人重遊行江
山在眼靈氣生巴州岳郡詩精進更
說隨州句老成况此未嘉山水天下
無謝公去後夕榛蕪君今遙遙繼其
躡鸞迎鶴引猿猱趨憶初到郡當朱
夏薄書填

委汗漙把期月纔能布紀綱
適時漸覺多瀟灑
秋風八月金天明
水碧瓊瓏空翠爽
挂席揚帆
得縱觀攀蘿跡
磴成幽賞朝陽崕
暮陰峰剡谿
紙好吳筆工
十二吏人持之
從瑋詞鉅賦
應漙
筒慙勤好附江上鴻

金大阮夫人六十雙壽歌

烜州金大夫懿懿阮夫人方瞳綠鬢韶顏新
世間甲子纔一巡
便應從此至千春
大夫元是列宿精
劫來吹鶴濟群生
狂歌踏月清虛府
爛醉看花白玉京
方朔金門聊玩世
王喬葉縣早知

名一琴携向茗溪去
五馬嘶來雲水迎
是時十人從之遊
文軒卅轍何光榮
宛如崑山彩鳳鳴
雄鳴六聲雌六聲
仙人倣之造律呂
秦樓簫管緜山笙
笙簫悠悠揚席上
飄今辰何辰雙壽尚
翠盤已薦交期棗
綺席仍行玉母桃
大天極樂夫人歡
滿飲金樽土色膠
酒酣群仙揮紫毫
凌風各駕青霞謠
一幅琅玕長十丈
新詩字字英瓊瑤
就中吳猛性最癖
獨自留題在東壁

刁二宅賞牡丹歌

牡丹九十種洛陽甲天下
丹延與青越紛紛皆

後駕君家牡丹花本自洛陽來昨日數苞放今
朝滿樹開君家羨入多如雲綠艷剪刀相對裁
國色天香果奇絕瓊筵繡幙堪徘徊徘徊復徘
徊笑整霞文帳年年歲歲侍花玉長願身為觥
錄事日炙風吹好護持紅搖翠裊多情思檀心
半吐朱顏酡况君有酒綠如波銀鑿落金叵羅
堅辭不飲柰花何知君學道逢仙客酒解逡巡
花頃刻又欲揚帆採石華還期倚洞餐靈液欲
行不行且一觴天機織就雲錦裳雙手雲中招
彩鳳翩翩共訪東山采予定何時得鴻寶紅塵
甘載頭蓬葆春去春來燕子忙花開花落
老不分甘為白髮欺只愁暗被花神惱花
花莫惱吾才未盡心猶少起舞花前發狂叫左
手金箋右彩毫為君醉和清平調

張園賞牡丹歌

葡萄酒熟濃如乳牡丹花開艷如綺昨日先賞
姚家黃今朝又對魏家紫魏紫姚黃俱絕奇錦
闌翠幄香風披舉酒酌花花解語莫言不似少
年時少年意氣蒼豪極酒酣不辨花顏色老年
見花能愛惜含情引盼花之側羨君樂志開亭

軒洛陽相公花蒲園憶昔初移木盈尺只今燬
燬高枝繁人生倏忽亦如此眼見童年成壯齒
不惜黃金買笑歡但將綠酒供春事諸君莫嫌
觴政苛醉鄉花月古來多紅藥紫薇池自好持
觴聽我牡丹歌

題畫贈朱子

東家美人髻垂雲西家美人額塗黃玉手攀枝
摘花朶歸來空日理新粧昨朝採藥到天台天
台美人含笑來仙桃持獻漢天子侍臣俱在集

老農嘆

初入蒲塘口不知誰家田老農亦不知名姓白
髮鬢蕭披喇石田余訴衷腸仰天長嘆息生久
衣大嫁與人生死劫小不得力前年已賣舟去
年又賣牛而今祇剩皮和骨縣吏催錢猶未休
老農言畢去我聞淚沾臆溪人饑我雙白魚遶
索徘徊不能食自從我罷後良恐此老悲人間
更有傷心事好遣觀風使者知

寶應嘆

寶應嘆

淮安城外兩條汊南河以河相湯射寶應近接
淮安城淮水南奔疾如馬西望地形高入雲千
山萬山水齊下我東其畝皆腴田紅濤森森濱
渤連農夫腰鎌行刈稻晨起極日心茫然豈惟
禾黍委浩渺老樹亦已沒其顛狂飈掀舞浪十
丈急呼艇子操三槳牛羊坡作蛟龍窟榆柳村
爲綠草蕩雲愁日慘無人煙鱸鯨鯨翻動哀響
城門才開水關閉三更城中驚水至宛如兵破
蔡州城半夜譟聲震天地又如水滸智伯軍狼
藉浮屍任漂棄鄰雞野哭候天明親朋相見如

更生堂中白髮禪中規左提右挈波上行屋簷
坦傾四望盡江號海嘯何時平水夷傲睨陽侯
立萬弩迎潮射不得城中播齋齋隼舟城外橫
行綠林賊凶年桂玉煎人腸十箇人家九無食
野老相傳自古無傷哉寶應真何辜洪川忽沒
空桑里赤水俄沉歷陽都死者已矣生者存
詔書早晚寬民租

題古莊友人扇

世稱與可工畫竹百尺祗消縮壹幅至今亦有
東吳生小扇能書萬竿玉陂寒渚靜流水長美

人翠袖生新涼烟雨沉沉濕環珮秋風瑟瑟鳴
笙簧黃陵慘澹蓬山遠蒼梧西連白雲晚水龍
畫吟鸚鵡愁鳳凰不來鷓鴣怨更須浦口著扁
舟畫我身作土子酸只恐林深洞天暝歸路茫
茫無處求不如種竹向湖涓詞流結社日追隨
手持竹葉歌竹枝筭以解醒實可療創斬竿垂
釣製笛橫吹朝訪中書君莫參玉版師又何必
望湘君吊湘妃遠涉湘江之涯湘江涯君不見
君欲見觀此扇

太守歌

諸君日停金巨羅聽我詩

守歌守

教化主赫赫聲名滿寰宇憶昔金閨通籍初
山影裏度仙舄紅燈夜酌烏程酒畫舫春遊碧
浪湖數年腰裏長干道三署才莖照江表朝對
鍾山雲氣浮暮看畫省香煙裊只今去作潯陽
遊朱幡黃綬擅風流柳邊先訪陶潛宅月下還
登庾亮樓樓前指點廬山翠殘碑半剝周仙字
錦亭上接香爐峯石澗斜通竹林寺與君已約
秋天涼書來邀我之潯陽遠携李白驚人句回
看屏風九疊張我歌初欣君顏酡坐客聞之和

者多蘆花楓葉江頭路更有兒童竹馬歌

拙菴老人歌

拙菴老人世罕見才如南金經百鍊脩程不遇
九萬風平生空破五千卷勸駕逡巡赴國都牽
絲偃蹇投州縣催科政拙似陽城忍與時流爭
鼓殿枳棘終非鸞鳳棲白鷗自抱滄波願張衡
未老賦歸田潘岳閑居樂事備日飲王績東臯
酒時觀莊叟秋水篇晚年史結香山桂鶴髮飄
飄對遠天溪吟壑醉二十年富貴於我如浮烟
委成鷓鴣苞羽燦紫霄振翮光凌亂翰苑文場


作主盟謙垣給舍持風岬雙龍恩品在文若
堂馬鬣生氣氤氳親衙日以崇子慈日以殷補袞
彤闈心正勤松楸故隴黃耒焚遺書架上堆如
雲讀書榮親兼報君丈夫立身有如此拙菴老
人死不死

牛長公夫婦歌

我聞牛長公少小曳輕裾手持昭華之寶玉咫
尺不厭承明廬曰余堂上有二老寸心願展春
眸報極日愁瞻狄相雲驅車忍向王陽道華門
環堵歌考槃飲水啜菽心亦歡花下時能聽鳥

烏日邊那得逐鷓鴣二老俱遊無何有長公亦
作山中叟腹中空填萬卷書腰下全無一寸綬
田園瀟灑壽眉同石人稱爲光與鴻鴻執詩書
光執燭教子苦讀成文宗文宗致身一何早瓊
林玉笋聲光好赤縣曾栽令尹桃金陵又起即
官草緡雲英英接上台考功即擬入蓬萊紫泥
捧出絲綸閣路旁觀者聲如雷便道歸來不停
軌前驅遙遙負弩矢家慶先開書錦堂賀賓皆
集鳴珂甲命服飄飄鶴髮垂潘輿萊綵相
懸知仙翰盈圖軸更想恩波灑酒卮

客起舞功名何必身自取有子榮身足誇謔君
不見本官書內史



Vertical text on the right edge, possibly bleed-through from the reverse side. The characters are partially obscured by a dark, textured strip, likely a binding or repair. Faintly visible characters include "有" (top), "之" (middle), and "三" (bottom).

